

江蘇
華亭縣鄉土志

地210.25
539

1/8

華亭鄉土志

凡例

一是編取材不外志書但為初等小學教科之用事實取簡要文義求淺顯不能依志書原文事迹原委間用案語明之

一初等小學堂定章每星期講歷史地理格致各一點鐘計通年四十星期三科各得四十點鐘而歷史格致之關涉鄉土者惟第一第二年講授當各得八十課地理講二年有餘可得百課然三項繁簡相懸似當以盈補絀是編歷史一萬四千餘言地理八千餘言格致千餘言以每課百字左右統計之約得二百餘課足敷學期

講授惟授課字數則聽教員自定

一歷史政績門例目原分興利去害聽訟三項竊意三者以去害為最要凡官斯土而為民除害者必著之至我朝開國之初除民苛政其後屢蠲浮賦尤為去害之大者故於篇末別加案語以著因革之由俾鄉塾後生成知生成所自

一縣為松郡附郭首邑實為知府治所提督駐馬歷任知府提督及在郡文武各官政績可紀者皆著於編他如巡道駐治上海其政績聽上海紀載餘仿此

一例目者舊門分事業學問二項欲學者易於感動也今本此意於實行著述二類所記較詳其名臣循吏忠節

三類節錄其事蹟之切於日用足感人心者餘則僅著姓名仕履學者如欲論世知人自可博觀史志惟

國史列傳民間未能周知所註恐多遺漏至名儒功臣名將本境可舉者少姑從闕略

一自元以前縣境當今松江府全境但既析去六縣一廳則凡紀載當以今境為斷故者舊錄必著其人居址其有史傳名人著華亭籍者苟居址非今邑境亦聽他邑載之

一府縣皆有名宦鄉賢忠義孝弟等祠其祠各附學宮但府所記者名宦則及督撫學政等官鄉賢忠孝則兼及七邑縣所記者華亭又與婁共之故姓名不及備載

一本境無聚居數十百家之大姓故氏族一類從闕

一縣境坊表率多殘缺是編但就石坊之在祠廟官署前者隨地附見其專坊為科名行誼建者無論完缺概不登載至郡為澤國橋梁尤多今惟就水陸道里之衝隨舉以為標識亦不概及

一文廟而外凡神祇祠廟之通祀者不載惟名人專祠則記之若其人不見於政績者舊錄者附註仕履行誼於下

一地理非圖不明華亭志圖開方計里較省治舊刻二里半開方圖詳核過之茲取全境及南北水利海塘城河五圖弁諸卷首

一本境物產無多略舉大宗以見民間利用偶有特產亦附見焉常產之無關民用者不著

一戶口及實業人數據縣中冊籍外教人數詢之各教堂以縣中無籍可稽也


一商務詢諸商會不能詳者參考市肆惜乎源流遷變未盡講求故所紀不免疏略

華亭縣志


圖說

全境圖

每方五里



前志圖說云華亭土宇廣不及袤十之一
 依邪凹凸其錯入他境者酷似犬牙茲特
 渾舉大概而圖之復遵同治年
 憲頒輿圖按方計里分為浦南北鄉保兩
 圖以便稽考其水利營汎圖俱準鄉保圖
 分浦南北為二焉




華亭縣志

圖說

邑境形勢如弓之幹背負金山婁縣腹納奉賢南匯上海尾沿青浦係離彎屈與六縣俱有毗連云

浦北水利圖

每方二里半



前志水道圖凡幹河之與他邑共者止繪邑境所及未免拘界限而割截河身茲將河身全繪其涉他境之處則用界線畫清



過路浜六磊塘以南為浦
北南境其北為浦北北境


華亭縣志

圖說

浦南水利圖 每方二里半

自黃坎埭以東至唐港止北
為浦南北境南為浦南南境






城河圖

華亭縣志

圖說

案裏護塘在邑境者西
自張堰鎮夏家街口起
東至漕涇建龍橋再東
至成滌故址莫考

顧府志云秀州塘源出杭州西湖東流入西
水門與舊西河日月河諸水合出東門則城
中自西門至東門幹河即昔時秀州塘



張堰鎮

揚春舖

豐元

張堰寺

張堰鎮

東護塘故址

西護塘

漕涇鎮

金山
金山城
金山界

天妃廟

灘

沙

青蓮港

張堰鎮

張堰鎮

張堰鎮

張堰鎮

張堰鎮

張堰鎮

張堰鎮

張堰鎮

張堰鎮

張堰鎮

張堰鎮

張堰鎮

張堰鎮

張堰鎮

張堰鎮

張堰鎮

張堰鎮

張堰鎮

張堰鎮

張堰鎮

張堰鎮

張堰鎮


張堰鎮

張堰鎮

張堰鎮

華亭縣志

圖說



華亭縣鄉土志

歷史

沿革

唐天寶十載割崑山南境嘉興東境海鹽北境置華亭縣屬吳郡

案自唐至元縣境當今松江府全境遞析以後不及未析時十分之二然本境自西南至東北斜袤百餘里猶兼及古時三縣之地

未置縣以前虞夏商周屬揚州春秋為吳地吳滅屬越越滅屬楚秦時分隸海鹽由奉婁三縣屬會稽郡東漢順帝時屬吳郡孫氏據吳改由奉為嘉興與海鹽婁屬吳郡如

故晉宋齊因之梁省婁縣入信義縣旋析信義地置崑山縣陳隋間廢置併析不常唐復為崑山嘉興海鹽地

既置縣以後唐乾元時改吳郡為蘇州華亭屬焉乾寧四年縣為吳越錢氏所得屬其所置之開元府即嘉興旋屬中

吳軍州即蘇州又屬秀州宋興錢氏納土仍屬秀州慶元元年

升秀州為嘉興府乃屬嘉興元至元十四年升縣為府隸嘉興路時升嘉興為路十五年改設松江府仍以華亭為縣而屬

之二十七年析東北境置上海縣明萬曆元年析西北境置青浦縣

國朝仍屬松江府順治十三年析西南及北境置婁縣雍正二年析東南境置奉賢縣



案上海又析南匯婁又析金山南匯又析川沙廳故府屬一廳七縣皆由華亭析置而華亭與婁則附治府城

政績錄

宋丘密字宗卿江陰軍人隆興元年進士第三人乾道七年除知秀州時華亭捍海堰廢鹹潮灌入壞濱海田延及蘇湖右正言許克昌言於朝孝宗命密治之密與縣令堵觀移堰築於運港並築堰外十六港兩旁塘岸斥鹵復為良田密官至同知樞密院事卒謚忠定

楊瑾字廷潤餘姚人紹定五年監縣稅攝縣令蠲胥吏白納錢寬民戶積欠弛酒稅無藝之征吏民大悅請於朝遂即真於是修經界立義役不三年政事一新後祀名宦祠

案經界謂定田賦之版籍又案楊瑾義役始末序謂糾錢置產名曰官田歲收其租以充役費

元劉克復字仁叔燕山人元統癸酉授松江推官始至博徒繫者七人其三人為怨家所搆雪而縱之居益久平反大辟至流徙者十有二抑屈而伸者三十有八疑而請輕者七先是豪民曹夢炎歲獻萬石以賂大官久之產盡其糧移於買家連及鄉邑謂之包納民與吏交困克復言於江浙參政王克敬克敬特奏免之

胡存道字師善諸暨人至正丙申為松江府學訓導是年四月苗寇至將焚學宮存道叱之曰若甯殺吾學不可毀寇怒殺之廟得不燬

明馮榮烏江人洪武初任知縣甫三月錢鶴皋據府治叛

縛榮置諸獄驍騎將軍葛俊平鶴舉怒從亂者欲屠其城榮力爭止之既而興學校勸農桑辨枉撓均徭役邑以大治後祀名宦祠

蔣惠鄱陽人洪武十一年任知縣先是縣誣平民李秀三等三十人為盜惠察其無辜立賞之密授方略獲真盜馬鬣等正其罪後祀名宦祠

趙豫字定素安肅人宣德五年知松江府時衛軍恣橫豫擇其尤者杖而配之邊衆帖服擇名家子謹良者為吏訓以禮法均徭節費減吏員十之五巡撫周忱有所建置必與豫議九年考績吏民列狀乞留巡按御史以聞命增秩正三品復任方豫始至患民俗多訟訟者至輒好言諭之曰明日來衆笑之有松江太守明日來之謠及訟者踰宿忿漸平或被勸阻多止不訟去郡老穉攀轅留一履以識遺愛

路迎字賓暘山東汶上人進士知松江府松江俗尚師巫而困於盜賊迎督巡司申保甲有擒賊至者贖證具與衆共棄之令民五家為伍十家為鄰有左道惑世祈賽淫祀者隣伍各自首發不舉者同坐由是盜魁悉獲邪術止息官至兵部尚書

聶豹字文蔚江西永豐人進士正德十五年任知縣縣以頻年水災游饑豹至發吏民之奸欺者籍所侵盜金萬六千用代逋賦濬塘港三萬丈有奇復塘之廢者萬二千丈

民不苦水逃亡復業者三千餘戶官至兵部尚書卒贈少保謚貞襄

方廉字以清浙江新城人進士三十二年知松江府時倭寇入犯廉增陴浚濠郭外置敵臺宿甲士峙島糧為守禦計明年寇由黃浦攻府城廉令民間自募鄉勇殺賊立賞格為勸一日訛傳倭入西關人爭出走廉出坐西城樓使隸卒呼市民還俄頃遂定既又請於臺使奏蠲賦稅練土著實行伍減客兵十七故被寇五年民得休息寇平遷應天巡撫時大軍之後凶年繼之廉疏請減賦百餘萬蘇松居十之八為言者論罷後以薦起官至工部右侍郎

吳時來字惟修浙江仙居人進士除松江府推官時海寇踞柘林知府方廉卧病時來攝城守募巧匠作火器教士習弩射屯之四郊為聲援寇至士女奔城下或議鍵關時來曰棄民而抱空城焉用守悉縱入乃固守城賴以全土司兵奉調至時來就福田寺立營使各署部伍以次受犒惠均而不費又以客兵驕悍乃結其酋長數輩巡視約束或弗戢使縛治之迄終事無敢犯者督府張經移鎮入境帳前卒取人一練時來鞭之經怒讓時來不為動徐對曰用兵以安民也忍庇兵殃民乎經愧而止三十四年寇猝至雨甚城西南隅崩時來撤戍士以箭弩手數十人扼其衝夜選壯士取屋材立柵城外以衛修城者單騎出南門督之黎明柵立三日而城完賊亦引去賊平徵拜刑科給

事中官至南京副都御史

周寀字元察江西安福人進士任知縣始至不自銜才吏卒慢易之居三月一日視事會天雨有老胥遲至寀呼之詰以某日攝某甲何久不至因悉召曹史隸卒盡摘其稽玩翫法事歷數其罪予杖荷校有差民皆畏服官至吏部左侍郎

鄭元韶字善夫福建侯官人舉鄉薦為松江府同知郡民為盜絞殺取手釧去元韶時攝府篆廉得博徒鄧復七銷釧有左證訊服誅之遷刑部員外郎會巡撫莆田林潤奏言松江田賦不均吏緣作姦請設專官履畝均糧以三等差次轉元韶按察司僉事賜敕專理之元韶身至田間區畫經界隨徑遂為廣袤繪形版籍書其步積之數量田肥瘠分上中下三鄉定賦多寡是時元韶博訪眾議得松江知府衷貞吉佐其經畫又許民首實勿罪故立法盡善復請五年一編徭役著為令

章允儒字珍甫江西南昌人進士任知縣時軍興詔天下計畝加賦華亭歲額六十萬加至七十餘萬允儒檢舊賦之可省可抵者先後免三萬七千餘兩屢斷疑獄有武弁鳩殺同官弁強有力且善辨鞠之論如律徵拜吏科給事中忤魏忠賢奪職崇禎初復故官又忤溫體仁罷去後祀名宦祠

張集義字德宜萬曆十四年進士任知縣十六年大水南

昌喻均為松江知府發粟賑貸又為文勸富室助賑或有梗其議者民告荒至府府怒及富室鄉之惡少年藉口肆劫亭林尤甚集義單車馳諭堅明約束縛首惡以歸境內始輯旋設糜以食饑者全活甚眾案雲間雜誌時有當事曰饑民必救亂民必斬惜未著府縣姓名

許維新字周翰山東堂邑人進士知松江府下車首嚴游惰之罰使民各有職業禁淫祀及習格擊別衣服器用示貴賤有等由是貴游子弟陸博狎邪皆斂迹奴隸無履絲曳縞者以城市河道久湮傭工計直使上海典史龐尚鴻董其役覈斥侵占盡還故迹作船運土棄於隙地為高原葬旅殯之無主者秩滿遷河南按察副使去之日父老設

生位於道旁供明鏡止水以送之

聶紹昌字繩之四川富順人進士任知縣會踐更之期覈上戶詭名隱匿田六十餘萬於是中產以下得免重役修治水利撰浚築成規十二條洞悉利病行之有效徵拜監察御史

方岳貢字四長湖廣穀城人進士崇禎元年知松江府先是諸豪家蒼頭奴橫里中率無賴毆縛人恚痛繩之郡東南濱大海颶潮衝擊漂浸田舍岳貢率知縣張調鼎相度經營築石塘二十里以禦海患又築倉城於郡西他若救荒助役脩學課士咸有成績擢漕儲副使超拜左副都御史俄晉東閣大學士

鄭友元字其山湖廣京山人進士崇禎初由青浦調知華亭兩邑故繁劇案牘累百友元口酬手批判決如流里長督賦使十甲均任輸及額者勿詣縣督而弗應者別為碩戶官攝而懲之踐更之期里胥多詭匿上戶產友元勾得其實責問皆首伏由是下戶盡免而任役者輕重若權衡設義塾於求忠書院一時人士崇尚古學五年徵拜監察御史以事貶秩遂不就

國朝李正華字茂先獻縣人拔貢生順治十年由兗州運河同知遷松江府知府蔣莊有劇盜為民患黨日眾丞尉以上至院司左右廣置耳目正華偕同知崔宗泰往偵之不半月渠魁就縛上游文檄疊至令械赴省正華謂推官韓理曰是出盜謀往必縱縱則不能復制矣引羣盜至前訊服立斃杖下華亭令某編審甲長徇私以貧廢充正華易以應充之戶書榜屬令携印至府印之弊遂絕有奸民造叛逆籍竄其怨家之名首於府正華反覆詰之得其情火其籍杖而遣之去郡日兒童婦女競以束蔬尺布投其舟幾滿

張超字槩持浙江桐鄉人進士任知縣時縣民大役之累甫除而每五年僉點里催一役衙蠹詭弊百出太平鄭明良知華亭計田授役時論稱平超繼之值編役期矢於神盡豁零星細戶及孤寡殘疾者但僉中人之產所僉之戶列榜昭信又徵比有法每里催完銀如數即先期懸示免